

vulsutu à ghjugasi u tristu mandataria à l'azardu. U zite-
dunque, è iè tucò à ellu ! Scuntronu a proprietaria. Quella
nduli vistuti è incù u bauliu in pianu, pronti à parte, disse
unu vi n'andate digia ? Chè si passa ? - O' madama, simu
gati di fallà parchi ch' u nostru fratellu maiò hè ghjuntu
; culunie, è face un pezzu ch'ùn l'avemu vistu. Avvedeci !
prestu !

urceddu, u misgiu, e ghjalline eranu firmati soli in paese.
corci ! fece u ziteddu ; Babbu c'hà da tazza ! Aio' andemu-
; ch'ùn ci chjamessi torna sta stregaccia avinta di quadrisan-

Maria Lucia GIANNETTI
Ghisunaccia

diavule in Prucessio'

Per a Pasqua, Nadia mi fece cullà in u so paese. Cose strane ci
riscontraimu treminàve.

Eramu ghjovi santu è u cielu accuculava qualchi timpurale marzulinu.
Ma quandu sarebbe stata fatta sta strada è u venditore di pneumatici ellu
incaria i so prezzi, è e ghjente di cullà si scurdavanu. Tutt'infilarati in
piazza di U Silvarecciu. Serpu trimulante è troppu carcu di storia cumuna.
Ma incù i giovani in capu di prucessio', in a notte pagna è à mezzu stradò i
canti aghjaccianti sbuttonu un'à unu. I sensi è a mente aperti quasi à sfrigera,
avanzamu per uni pochi di kilometri. Cusi ghjunsemu à a Casalta.

Custindà quelli di u paese eranu addunati è c'aspettavanu. Cuminciò a
granitula. Si girava senz'arregghju. Un'appresu à l'altu è come ind'un sognu di
mazzeru avanzavamu à mezzu à i luminelli ch'è arriganu spaventu in e mente
zitelline. Gira, s'inghjuculisce, s'accorta a granitula di a vita. Ellu girava in
sensu contrariu, ma ch'è vullia quessu ? Bellu prestu i so passi intupponu è si
truvò di pettu à a ghjesa, anch'ellu infilaratu. Ch'è cridia ? Si ne firmò à
mezzu à u chjerchju u cane, senza circà è capi à st'omi incapucciati è luminosi
in issa notte chi si rifrescava. Hè sempre di bè avè un furesteru in prucessio',
u tantu per chi u diavule sia anch'ellu incù noi. Giravamu. Cantavamu. Ghjunti à
U Pianu, cantetimu u "Perdona o Diu" in a ghjesucchia scantata.

L'ultimi canti s'intunavanu, u più vecchju lampava i versi come un
zitellu. Ci ritruvaimu in piazza à a ghjesa, a prucessio' era compia. Incù
fraggi, fritelle è bughjiddi caldi c'aspettava come sempre Maria, davanti à
i so furnelli. Ma sta sera l'ogliu ùn sballitava micca, ghjera spertu in terra.
U furesteru si n'era smaritu.

